



Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq saqqummiuppara:

Naalakkersuisunut apeqquteqaat:

- 1. Qanga Naalakkersuisut Puisit amiinik tuniniaaneq Inuit kingoqqisuunissaq atorunnaarsippaat?**
- 2. Qanga Naalakkersuisut Puisit amiinik tunisisinnaaneq Inuit kulturianut attuumassuteqarunnaarluni niuernerpalaarnermik ingerlatsineq aallartippaat?**
- 3. Qanga Naalakkersuisut EU-mut puisip amiinik niuernissamut immikkut piginnaatitsissut malikkunnaarpaat?**
- 4. Qanga kingullermik Naalakkersuisut “Inuit-exemption” malinneqarnissaa pillugu nakkutilliippat?**
- 5. EU-mut nalunaarutigineqareerpa nunatsinni “Inuit” sullinneqanngitsut, kisiannili “Kalaallit Nunaani najugaqarneq” kisiat aallaaviusoq?**
- 6. Naalakkersuisut qanoq isumaqarfigivaat nunatsinniit “Nunap inoqqaavinut” aallartitaqar-tarneq, naak Naalakkersuisut nunap inoqqaavinik sullissinngitsut?**
- 7. Naalakkersuisut qaqugu avammut nalunaarutigissavaat nunatsinni politikkikkut aqutseriaaseq danskisut innuttaasuseqarnermik kisiat aallaavilik?**
- 8. Naalakkersuisut qanoq isumaqarfigivaat nunani allani nunap inoqqaaviunatik taamaattuunerartut (Pretendians) iliuuseqarfigineqartarnerat?**

(Inatsisartunut ilaasortaq Pele Broberg, Naleraq)

Tunngavilersuut:

Inatsisartuni Inuit allattorsimaffissaagaluat, Kalaallit kinaassusaannut tunngavissiiisussaag Naalakkersuisut partiillu amerlanerit itigartippaat.



Naleraq

Tunngavilersuummi atuarneqarsinnaavoq allaat partiit ilaasa inunnik immikkoortitsinertut isigigaat, nunatsinnilu Danskisut innuttaasuuneq kisiat aallaaviunani maanna nunatsinni najugaqarneq kisiat aallaaviulersoq “Kalaallisut” allamiut taakkartornissaannut.

Piniarnermut inatsit aamma qiviaraanni ataasinnuamilluunniit Inuit illersorniarlugit suliangilaq, aammalu nunap inoqqaavinut ataasinnuamilluunniit illersuinani.

Ataasiaannaratik Naalackersuisut saaffigineqarnikuupput Kalaaliunermik (Inuit kingooqisuuneq) uppernarsaqqullugu. Maannamut nunatsinni tamanna tunniunneqarumangilaq, naak toqqammaviugaluartoq Namminiilivinnissamut.

Naalackersuisut aamma Great Greenland ataasiaannaratik ammasumik eqqartorpaat puisit amii EU-mut niuerutaanerat, Naalackersuisullu nakkutilliisuullutik tunngavik eqqortoq atorlugu niuerutaanera. Tunngavik pingaarnerpaaq tassaavoq Inuit inooriaasiat kulturiallu illersorniarlugu immikkut

pisinnaatitaaffik. Nunatsinnili “Inuit” allattorsimasuutiginnilagut maannamut, Naalackersuisullu tamanna piumanagu. Taamaammat nunatsinni “Inuit” inuunngippata, pisinnaatitaaffik atuutsinneqarsinnaangilaq, nunatsinnilu “Inuit” amerlanerussuteqaratik.

Pingaartullu ilagivaat puisip amii niuernikkut aningaasarsiorneq qitiusinnaannginnera, immikkut niuernissamut pisinnaatitsissut atuutsinneqassappat. Maannakkullu Naalackersuisut qallunaanngor-saanerat ima iluatsissimatigaaq allaat Inuit kulturiat aallaavigisimajunnaarlugu kisiannili aningaasarsiorfittut naliginnaasutut isigilersimallugu.

Inuit kikkunersut, sullikkusunnagit aammalu pisinnaatitaaffeqartikkumanagit Naalackersuisut sulinertik ingerlanneranni eqqumiiginarpoq aallartitaqartarneq Nunap Inoqqaavisa pisinnaatitaaffiitut.

Naalackersuisut Inuiaat Naalackersuisuuffiginnginnertik, taamaallaalli “Kalaallit Nunaani danskisut innuttaassuseqartut” Naalackersuisuuffiginerat suleqatitsinnut nunanut soorunami nalunaarutigisimassavaat ersarissumik.

Apeqqutikka ullut arlaanni akineqarnissaat neriuutigaara.

Ullut suliffiusut 10-it iluanni akineqarnissara kissaatigaara.